



Republika e Kosovës
Republika Kosova - Republic of Kosovo
Qeveria - Vlada - Government

Nr. 11/09
Datë: 01.07.2020

Në mbështetje të nenit 92 paragrafi 4. dhe të nenit 93 paragrafi (4), si dhe të nenit 55 të Kushtetutës së Republikës së Kosovës, të nenit 89 të Ligjit Nr. 04/L-125 për Shëndetësi, Ligjit Nr. 02/L-109 për Parandalimin dhe Luftimin e Sëmundjeve Ngjitëse, duke u bazuar në nenin 4 të Rregullores Nr. 06/2020 për Fushat e Përgjegjësive Administrative të Zyrës së Kryeministrit dhe Ministrive, e ndryshuar dhe e plotësuar me Rregulloren Nr. 07/2020, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, me qëllim të zbatimit të Vendimit të Qeverisë së Republikës së Kosovës Nr. 01/11 të datës 15 mars 2020 për shpalljen e Emergjencës për Shëndetin Publik, si dhe pas diskutimit me njësitë përkatëse në zbatim të rekomandimit të IKShPK-së, Qeveria e Republikës së Kosovës, në mbledhjen e mbajtur më 1 korrik 2020, nxjerr këtë:

V E N D I M

1. Me qëllim të parandalimit të infeksionit Corona Virus COVID-19 miratohet kërkesa e Ministrisë së Shëndetësisë për ndërmarrjen e masave si në vijim:
 - 1.1. Reduktimi i punonjësve në administratë vetëm në staf esencial dhe angazhimi i tyre me punë nga shtëpia (online), përgjysmimi i personave në secilën zyrë në përputhje me manualin.
 - 1.2. Të mbyllën zyrat apo njësitë në të gjitha institucionet publike, dhe biznese private ku ka raste pozitive.
 - 1.3. Për personat me të cilën ka pasur kontakt personi tashmë i konfirmuar me Covid-19 pozitiv, zbatohen protokollet në fuqi.
 - 1.4. Kontaktet duhet të vet-izolohen për 14 ditë në shtëpi, dhe nuk duhet të kenë asnjë kontakt gjatë kësaj periudhe.
 - 1.5. Kontaktet këshillohen për monitorim të shëndetit për 14 ditë pas datës së fundit të ekspozimit dhe të kërkojnë kujdes të menjëhershëm shëndetësor nëse shfaqin ndonjë simptomë (ethe, temperaturë, kollitje, vështirësi në frymëmarrje ose diarre).
 - 1.6. Të gjitha rastet pozitive dhe kontaktet e tyre, mbikëqyren nga shtabet Komunale, kontrollohen nga inspektorati, QKMF dhe organet e rendit.
 - 1.7. Në mënyrë rigorozë të respektohen masat mbrojtëse të vendosura nga IKSHPK.
 - 1.8. Në mënyrë strikte të respektohet distanca fizike, përdorimi i maskave, dezinfektimi dhe ajrosja e lokaleve, duke pamundësuar përhapjen eventuale të infeksionit dhe shmangien e përhapjes në hapësirat e mbyllura.
 - 1.9. Inspektoratet sanitare të AUV dhe inspektoratet komunale të zbatojnë ligjin për Inspektoratin dhe Ligjin për parandalimin e sëmundjeve ngjitëse dhe të merren masa në raste të mos zbatimit eventuale të rekomandimeve të IKSHPK.
 - 1.10. Punëtorët shëndetësorë t'i përmbahen rekomandimeve të IKSHPK në përdorimin e masave mbrojtëse duke ruajtur kështu shëndetin e tyre, të pacientëve dhe të gjithë qytetarëve të vendit.
 - 1.11. Bartja e maskave të jetë obligative.

- 1.12. Institucionet që ofrojnë shërbime përmes sporteve, janë të obliguara, si punonjës ashtu edhe palët të mbajnë maskë, të respektohet distanca prej 2 metra në pritje në radhë me mundësi të pritjes në hapësirat e jashtme sipas Manualit për luftimin e Covid-19.
- 1.13. Kontroll rigoroz e bartjes së maskave në hyrje të çdo institucioni.
- 1.14. Bartja e obliguar e maskës në transportin publik, taksive si të punonjësit ashtu edhe të udhëtarëve, të respektohet distanca prej 2 metra, ajrosja natyrale (hapja e dritareve) dhe dezinfektimi i automjeteve së paku dy herë gjatë ditës.
- 1.15. Ndërprehen aktivitetet në sektorin e identifikuar të institucioneve përkatëse të listuar sipas gjurmimit aktiv epidemiologjik.
- 1.16. Bartja e obligueshme e maskave nga organet e rendit (zyrtarët policorë).
- 1.17. Ndalim i vizitave të familjarëve të pacientëve në institucionet shëndetësore (lejohet vetëm një përcjellës sipas nevojës).
- 1.18. Reduktimi i operacioneve efektive në institucionet shëndetësore.
- 1.19. Bartja e obligueshme e pajisjeve personale mbrojtëse në të gjitha institucionet shëndetësore publike dhe private brenda dhe jashtë institucioneve.
- 1.20. Kontroll rigoroz e inspektoratit shëndetësor në institucionet shëndetësore.
- 1.21. Ndalohet grumbullimet në hapësirat e mbyllura dhe të hapura për më shumë se 50 persona.
- 1.22. Kontroll i rreptë nga organet e inspektoratit dhe policisë për respektimin e distancës prej 2m dhe bartja e maskës në çdo hapësirë të mbyllur (zyra, qendrat tregtare, sporteve) dhe të hapura (gastronomia në tërësi).
- 1.23. Në veçanti veprimtarit tregtare (markete, furra e bukës, barnatoret etj.) dhe gastronomia janë të obliguara të bartin maska dhe qasje të lehtë dhe të vazhdueshme në përdorimin e dezinfektuesve.
- 1.24. Ceremonitë mortore të zhvillohen vetëm me rrethin e ngushtë familjar.
- 1.25. Angazhohen organet përkatëse të mbikëqyrin zbatimin e këtyre masave.
- 1.26. Ministria e Shëndetësisë dhe IKSHPK do përcjellin gjendjen dhe nëse rëndohet situata, atëherë do të kërkohet kthimi i masave rigorozë të rekomanduara sipas OBSH.
- 1.27. Komunat të aktivizojnë plotësisht shtabet lokale.
- 1.28. Zbatimi i masave shtesë të mbrojtjes për shtëpitë e pleqve.

A R S Y E T I M


Që kur ka filluar lehtësimi i masave për disa aktivitete, kemi gjurmuar raste të reja të Covid-19 duke u shtuar rreziku të shpërthejnë vatra të reja epidemike në disa Komuna të Kosovës dhe institucione e degë të ekonomisë, për shkak të mos mbajtjes së distancës dhe mos mbajtjes së maskave.

Duke pas parasysh se në javët e fundit kemi rritje të rasteve pozitive që në intensitet krahasohen me mesin e muajit Prill dhe kemi raste të punëtorëve të organizatave si: Posta e Kosovës, KEK, KEDS, Galeria e Arteve, Institucionet bankare, Prokuroritë, institucionet shëndetësore, Agjensionet, kompani tregtare dhe biznese private, rekomandojmë të mbyllet sektori ku ka raste pozitive dhe të gjitha rastet pozitive dhe kontaktet e tyre të mbahen në vet-izolim dhe bartja e maskave është obligative.

Këto dite vërehet fluks i shtuar i qytetarëve kudo nëpër Kosovë. Kjo është sjellje e rrezikshme dhe lehtësimi i lëvizjes nuk nënkupton mos respektimin e rekomandimeve të IKSHPK dhe Ministrisë së Shëndetësisë në mbajtjen e distancimit fizik dhe mbajtjen e maskave në vendet publike.

Pakujdesia e disa qytetarëve gjatë këtyre aktiviteteve, mund të shtojnë rrezikun e përhapjes së infeksionit për derisa virusi SARS-COV-2 është prezent dhe kështu mund të mbingarkohet sistemi shëndetësor me pasoja të paparashikuara deri në shpërthimin e që mund të paraqes rrezik për jetën e qytetarëve.

Avdullah HOTI



Kryeministër i Republikës së Kosovës

Iu dërgohet:

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë